

Biento fuerte a spanta e capitan:

Crucero: "Empress of the Sea" cu problema pa drenta Aruba y Curaçao



ORANJESTAD(AAN): -- Ayera den oranan di mainta e crucero Empress of the Seas mester a drenta waf di Curacao pa asina mara y turistanan por a goza di e hermana isla.

Esaki tabata imposible pasobra cu na momento cu kier a bay haci maniobra e biento fuerte a spanta e capitan di tal forma cu el a cambia di idea.

Despues el a dicidi cu ta mihor e coy rumbo pa Aruba caminda cu aki kizas e lo por drenta haf di Oranjestad.

Den oranan di ayera tardi lat ora cu e capitan a haya luz berde pa drenta waf cu e crucero di 211 meter di largura y tur hende tabata cla pa cumpli cu nan deber a drenta informacion cu e capitan a prefera di no drenta.

Segun e capitan mescos cu na Curacao e biento aki

por tabata un peligro pa su nave pa cual motibo el a keda pafor wardando awe mainta habri y asina un biaha mas purba di drenta waf.

Den combersacion cu algun experto di APA, DIARIO a bin saca afor cu pa nan no ta problema maniobra cu e crucero y mara esaki den waf, pero e capitan ta esun cu tin un poco miedo y no kier


core e riesgo.

E total peso di e crucero Empress of the Seas ta di 49 mil ton mientras cu e tabata carga cu mas cu dos mil hende contando pasahero y crew acerca.

E biento tabata di 25 pa 30 nudo cual ta uno basta fuerte y conoci tambe pa e temporada aki di Cuaresma.

E rumornan ta sigui core, pero...

Glenbert no ta integra den MEP!



ORANJESTAD(AAN) DIARIO tin entendi awor cu definitivamente Glenbert Croes no ta bay integra den MEP, y lo dedica su mes na OLA, partido cu ta creciendo hopi den e momentonan actual y ta bay eleccion cu hopi confianza.


Cu e proposicion di un Status Aparte Plus como e futuro estructura estatal benefico pa Aruba, OLA ta

bay eleccion cu tur su cañonnan arma. E no ta bay laga pa casualidad dicidi riba e futuro di Aruba, sino un grupo di personanan cu no tin ningun otro interes cu esun di logra pa e Pueblo di Aruba un status cu lo aroha beneficiacion permanente. Consulta lo ser haci cu Pueblo tocante e asunto akil.

Pa pone un fin definitivo na e rumornan cu Glenbert lo integra den MEP, awe DIARIO por bisa definitivamente cu e rumornan ey a yega nan fin. No tin ningun integracion den MEP! Glenbert ta e lider di OLA, partido cu el a funda y ta hibando pa un triunfo grandi den proximo eleccion.

Cu e intencion tabata tey pa e integra den MEP ta verdad, pa hopi motibo, pero dos negativa ta basta! Glenbert, te unda cu DIARIO tin entendi, no ta interesa den un di tres negativa, ni awor ni den futuro.

SUPER PLUS!!



BEST DEAL

Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455



Magic Sweep

Afl: 35,=